

España. Real Audiencia de Barcelona

**Die quinta mensis martii anni millesimi
sexcentissimi quarti visa in primis supplicatione
oblata per Gasparem Berenguer passamaneirum
ciuem Barcinonae uti Syndicum Confratriae
passamaneriorum ... qua suplicat causam
empar[a]e imposite ad instantiam Syndici
Confratiae passamaneriorum ...**

[Barcelona? : s.n., 1604].

Vol. encuadernado con 26 obras

Signatura: FEV-AV-M-04356 (09)

La obra reproducida forma parte de la colección de la Biblioteca del Banco de España y ha sido escaneada dentro de su proyecto de digitalización

<http://www.bde.es/bde/es/secciones/servicios/Profesionales/Biblioteca/Biblioteca.html>

Aviso legal

Se permite la utilización total o parcial de esta copia digital para fines sin ánimo de lucro siempre y cuando se cite la fuente



✠



IE quinta mensis Martij anni millesimi sexcentissimi quarti visa in primis supplicatione oblata per Gasparem Berenguer passamanerium Ciuem Barcinonæ vti Syndicum Confratriæ passamaneriorum, & perxeriorum præsentis Ciuitatis Barcinonæ die duodecima Nouembris millesimo quingentesimo nonagesimo nono, qua supplicat causam empare impositæ ad instantiam Syndici Confratriæ Sancti Iuliani dictæ Ciuitatis Regio sigillo imponendo priuilegijs, & gratijs per suam Magestatem concessis dictæ Confratriæ passamaneriorum, & perxeriorum, in consistorio verbali Reuerendi Cancellarij, seu Magnifici Regentis Cancellariam vertentem ad Regiam Audientiam euocari illamque committi mandare alicui Magnifico Regio Cōsiliario qui partibus iustitiam ministraret pro vt in dicta supplicatione ad quam fit relatio continetur. Visa euocatione dictæ causæ ad eandem Regiam Audientiam, & commissione illius facta Magnifico Hieronymo Senjust V. I. & dictæ R. A. D. Relatori subscripto, & prouisione per ipsum in calce dictæ supplicationis facta cum intima illius. Visa supplicatione per Michaelem Vilamayor, & Augustinū Font Syndicos dictæ Confratriæ passamaneriorum, & perxeriorum oblata vigesima secunda Nouembris millesimo quingentesimo nonagesimo nono, quam effectus supplicant causam huiusmodi attenta eius qualitate sumarie, & percompareant partes tractari vt in illa ad quam fit relatio continetur. Visa prouisione die vigesima tertia prædictorum mensis, & anni facto verbo in R. A. per dictū Relatorem facta, qua fuit prouisum quod compareant partes

A

in



in domo eiusdem Relatoris die Iouis tunc proxime vettura hora secunda post meridiem cum eorum aduocatis, vel sine. Visa comparitione per dictas partes die vigesima quinta Nouembris millesimo quingentesimo nonagesimo nono facta, in qua dictus Antonius Rubinat Syndicus Confratriæ S. Iuliani per organum Raphaelis Rubi, & de Scoll illius patroni in effectu petijt prætenſum Regium priuilegium per præfatam Regiam Mageſtatem dictæ Confratriæ perxeriorum, & paſſamaneriorum conſeſſum (cuius ſigillo fuit ad eius inſtantiã facta, & impoſita empara) tanquam ſurreptitiæ, & obreptitiæ obtentum nulla facta mentione concordiarum tranſactionum, & Regiarum ſententiarum inter dictas Confratrias, & Confratres factarum, & prolatarum nullum, & inualidum eſſe, nec fuiſſe intentionis ſuę Mageſtatis illud in præiudicium dictæ Confratriæ Sancti Iuliani, & illius Confratrum, ac liberi commertij totius præſentis Cathalonix Principatus concedere, prouideri, & declarari. Viſa reſponſione facta per dictos Michaellem Vilamayor, & Auguſtinum Font Syndicos dictæ Confratriæ perxeriorum, & paſſamaneriorum, qui per organum dicti Gasparis Berenguer deduxerunt optime potuiſſe ſupplicare, & obtinere à ſua Mageſtate prædictum Regium priuilegium in fauorem dictę Confratriæ perxeriorum, & paſſamaneriorum ex cauſis in dicta reſponſione large ſpecificatis; & quia dictum Regium priuilegium fuit eiſdem in debita forma traditum, & liberatum, de quo tunc in poſſeſſione exiſtebant ſupplicarunt in illa manuteneri, & cõſeruari, & parti alteri Syndici Confratrię Sancti Iuliani ſilentium imponi in ſua prætenſione. Viſis replicis per ambas partes factis. Viſa prouiſione per dictum Relatorem facta, quod mandetur dictis Syndicis Confratriæ perxeriorum quatenus intra tres ponerent priuilegium mentionatum in poſſe ſcribæ cauſæ concedendo partibus reſpectiuè terminum quindecim dierum ad dicendum, deducendum, allegandũ, & probandum quicquid dicere, deducere, & allegare voluerint. Viſo ſyndicatu dicti Antonij Rubinat per Confratriã, & Confratres Sancti Iuliani firmato inſtrumento penes Iacobum de Encontra not. pub. Barcinonæ recepto die tertia Septembris millesimo quingentesimo

nona.

nonagesimo octauo. Viso syndicatu dictorum Michaelis Vila-
mayor, & Augustini Font, de quo fidem facit Petrus Fitor not.
publicus Barcinonæ instrumento per ipsum recepto die secun-
da Iulij millesimo quingentesimo nonagesimo nono. Visa sup-
plicatione per dictum Antonium Robinat oblata die nona De-
cembris millesimo quingentesimo nonagesimo nono, quam ef-
fectu supplicat attentata per partem aliam commissa in pigno-
rando Michaellem Menines, & Antonium Liset Confratres di-
ctæ Confratriæ ex eo quod vendebant in eorum botigijs pas-
samans spoliando dictam Confratriam Sancti Iuliani à posses-
sione in qua erat ante omnia via priuilegiata attentatorum re-
uocari pro vt in dicta supplicatione ad quam fit relatio conti-
netur. Visis articulis per dictum Augustinum Font tam primo
secundo, quam tertio locis oblati in causa attentatorum, & te-
stibus super illis ministratis, & receptis. Visa supplicatione per
dictum Antonium Robinat die decima Decembris millesimo
quingentesimo nonagesimo nono oblata. Visa certificatoria cu-
stodis pignorum Barcinonæ de pignoribus à dictis Menines, &
Liset captis per eandem Rubinat cum dicta supplicatione ex-
hibita. Visa supplicatione per Michaellem Amat scribam man-
dati, ac Regentem Regia sigilla in præsentī Principatu oblata
die nona Decembris eiusdem anni. Visa empara Regio præmen-
tionati Regij priuilegij ad instantiā Syndici dictæ Confratriæ
Sancti Iuliani facta sub die secunda Iulij millesimo quingente-
simo nonagesimo nono, & per eundem Rubinat dicto nomine
producta. Viso transumpto Regij priuilegij dictæ Confratriæ
perxeriorum, & passamaneriorum concessi, dat. Barcinonæ die
decima tertia Iulij millesimo quingentesimo nonagesimo no-
no, & per dictum Augustinum Font dicto nomine producto.
Visis articulis per dictum Rubinat oblati die tertia Februarij
millesimo sexcentesimo, & testibus super illis receptis. Viso ca-
pitulo quarto ex capitulis ordinationum factarum per Consilia-
rios Barcinonæ super institutione Confratriæ perxeriorum die
vigesima secunda Nouembris millesimo quingentesimo quin-
to. Viso quodam capitulo posito in quadam concordia facta, &
firmata inter Confratriam Sancti Iuliani ex vna, & Confratriā

om A 2 passa-

passamaneriorum Barcinone partibus ex altera vigesima Iunij
millesimo quingentesimo sexagesimo septimo, in & cum quo
dicti Consiliarij Barcinone retinent sibi facultatem, & plenum
posse interpretandi, corrigendi, & emendandi, addendi, & mu-
tandi de & super rebus in eadem contentis dependentibusque,
& emergentibus ex eisdem pro vt sibi benè visum fuerit. Visi
alijs capitulis secundo videlicet, & decimo quinto ex ordina-
tionibus factis per eosdem Consiliarios in fauorem dictæ Con-
fratriæ perxeriorum, & passamaneriorum in anno millesimo
quingentesimo octuagesimo secundo, & per dictum Font dicto
nomine productis. Visa declaratione cuiusdam recursus inter-
positi per Gasparem Berenguer Syndicum Confratriæ passa-
maneriorum per eosdem Consiliarios Barcinonæ factæ vigesi-
ma prima Martij millesimo quingentesimo octuagesimo quar-
to. Viso instrumento restitutionis quarundam pignorum ad in-
stantia Syndici dictæ Confratriæ Sancti Iuliani captarum ab
aliquibus Confratribus Confratriæ passamaneriorum vigore
declarationis dicti recursus restitutarum die vigesima secunda
Martij millesimo quingentesimo octuagesimo quarto. Visa
supplicatione per Antonium Rubinat Syndicum dictæ Con-
fratriæ Sancti Iuliani oblata die decima octaua Ianuarij mille-
simo quingentesimo octuagesimo tertio in quadam causa in R.
A. vertente inter easdem partes ad relationem Magnifici Hie-
ronimi Planes petendo revocationem attentatorum per eundem
Syndicum Sancti Iuliani pretenforum, & prouisione per dictū
Relatorem facta, qua fuit prouisum instate reuocationi atten-
tatorum locum non fuisse, nec esse eundem Rubinat in expensis
condemnando. Viso Regio priuilegio per Serenissimum Regē
Philippum dictę Ciuitati Barcinonæ, & illius Consiliarijs co-
cesso super eo quod possint ordinare in Confratrijs eiusdē Ci-
uitatis dat. Dertusæ die quinta Aprilis millesimo quingentesi-
mo sexagesimo quarto, & per dictum Font cum scedula oblata
die decima tertia Ianuarij millesimo sexcentesimo producto.
Viso processu Regaliæ, & prouisionis capture per Magnificū
Franciscum Fort iudicem Regiæ Curie contra Gasparem Be-
renguer, & alios passamanerios in anno millesimo quingentesi-
mo

mo nonagesimo secundo fact. & per dictum Rubinat cum scedula oblata die decima quinta Decembris millesimo quingentesimo nonagesimo nono producto. Viso alio processu criminali ad instantiam dicti Syndici Confratrie Sancti Iuliani contra eundem Gasparem Berenguer, & alios passamanerios fact. & per eundem Rubinat cum scedula oblata die decima septima Februarij millesimo sexcentesimo exhibito. Visa quadam certificatoria recursus interpositi coram dictis Consiliarijs Barcinonæ per Antonium Tolrra, & Hieronymum Carra passamanerios contra Confratriam Sancti Iuliani, & per eundem Font cum scedula oblata duodecima Maij millesimo sexcentesimo producta. Visa declaratione eiusdem recursus per eosdem Consiliarios Barcinonæ facta, & per dictum Rubinat dicto nomine producta. Visa supplicatione per eundem Rubinat die sexta Iunij eiusdem anni oblata, & prouisione facto verbo in R. A. dictis die, & anno per eundem Relatorē facta, qua fuit prouisum quod pro nunc, & donec aliter sit prouisum, & sine præiudicio iurium, & prætensionum partium præstita prius cautione per Syndicum Sancti Iuliani restituantur illi pignora capta, & supercedeatur in pignoramentis, & executione pœnarum in prætensis Regijs priuilegijs contentarū, & quod pro his expediantur cartella opportuna vt in illa ad quam fit relatio continetur. Visa cautione per dictum Rubinat præstita pro recuperandis dictis pignoribus iuxta formam supradictæ prouisionis. Viso cartello custodi pignorū Barcinonæ directo. Visa fide, seu certificatoria per Onofrium Monserrat custodem pignorum facta die duodecima Iunij per eundem Augustinum Font cum scedula dictis die, & anno oblata product. Viso instrumento certificatorie alterius pignoramenti ad instantiam Syndici Cōfratriæ perxteriorum contra aliquos mercerios facti in anno millesimo quingentesimo octuagesimo octauo, & per dictū Font cum scedula oblata die decima quinta Iunij millesimo sexcentesimo exhibito. Visa supplicatione per dictum Antonium Rubinat nomine sæpe dicto oblata die nona Septembris eiusdem anni. Viso requisitionis instrumento cū dicta supplicatione per eundem Rubinat producto. Visa supplicatione per dictum Fōt

die nona dictorum mensis, & anni oblata. Visa prouisione per eundem Relatorē formiter in processu facta die secunda Octobris millesimo sexcentesimo. Visa supplicatione contrarij imperij, & articulis per dictum Augustinum Font dicto nomine oblatis die tertia Octobris millesimo sexcentesimo. Visa alia supplicatione per eundem Rubinat dicto die oblata, cū qua supplicauit etiam contrario imperio à dicta prouisione dicto secundo Octobris facta. Visa comissione eiusdem causæ durante absentia dicti Magnifici Hieronymi Senjust Magnifico Saluatori Fontanet die quinta supradicti mensis Octob facta. Visi articulis per dictum Font Syndicum Confratriæ perxeriorum, & passamaneriorum oblatis die decima eiusdem mensis Octobris. Viso priuilegio per Serenissimum Regem Ferdinandū Consiliarijs Barcinonæ concesso super obseruantia ordinationū factarum per eosdem Consiliarios dat. in oppido Valliane quarta Aprilis millesimo quingētesimo nono. Visa confirmatione, & ampliacione prædicti priuilegij facta per Cesaream Magistratē Caroli Quinti cum alio Regio priuilegio dato in oppido Montisoni die decima sexta Nouembris millesimo quingētesimo trigesimo septimo, & per eundem Augustinū Font exhibito. Visi alijs articulis per supradictum Rubinat nomine quo supra oblatis die vndecima dicti mensis Octob. Viso quodam processu Regaliæ contra dictos perxerios, & passamanerios facte ad instantiā Syndic. dictæ Cōfratriæ S. Iuliani, & pro eius parte exhibito. Visa supplicatione per eundē Rubinat die vigesima nona Nouembris millesimo sexcentesimo oblata, & prouisione per dictum Relatorem facto verbo in R. A. facta. Visa quadam certificatoria abstracta à libris custodis pignorū, de quibusdam pignoramentis ad instantiam procerum, & Syndici perxeriorum, & passamaneriorum contra Michaelē Menines, & alios Confratres Confratriæ S. Iuliani factis, & per eundem Rubinat cum supradicta supplicatione exhibita. Visi cartellis directis Syndico, & Confratribus Confratriæ perxeriorū, & passamaneriorū vigore prouisionis factæ vigesima nona dicti mensis Nouembris expeditis. Visa prouisione per dictū Relatorē formiter facta die decima quarta Martij millesimo sex-

sib e A cente-

centesimo primo, cum qua fuit prouisum standum, & perseue-
randū fore, & esse prouisis in & cum prouisione facta secundo
Octobris millesimo sexcentesimo Visis articulis per dictū Au-
gustinum Font in causa principali oblati die trigesima Maij
millesimo sexcentesimo primo. Visis articulis per dictum An-
toniū Rubinat oblati die decimo octauo Maij millesimo sex-
centesimo secundo. Visis quāplurimis scedulis ab vtraque par-
te oblati. Viso denique toto processu, & omnibus in eo per
partes respectiue deductis. Visisque videndis, & attentis atten-
dendis meritis processus attentis, & alijs insequēdo conclusio-
nem in R. A. factam prouidet, & declarat in modum sequentē.
Attento ex meritis processus constat per S. C. & R. M. domini
nostri Regis supplicante Syndico Confratriæ perxeriorū, &
passamaneriorum Ciuitatis Barcinone fuisse concessum Con-
fratriæ prædictæ, & singularibus illius quoddā Regium privi-
legiū diuersa continens capitula, & inter alia vnum in & cū quo
fuit per dictū Syndicum petatum confirmari decimū quintum
capitulum ordinationū factarum per tunc Consiliarios, & pro-
ceres Ciuitatis Barcinonæ vigesima quarta Nouēbris anni mil-
lesimi quingentesimi octuagesimi secundi inter dictos perxe-
rios, & passamanerios, & disponi quod de cætero nullus possit
publicè, vel secretè fabricare, vel fabricari facere, vel minuta-
tim vendere parxas, llistas, passamans, franges, vel alias res spe-
ctantes ad officiū perxeriorū quin prius indebita, & solita fama
examinatus fuerit in dicto officio perxerij sub pœna sexaginta
solidorū, & amissionis rei fabricatæ exequenda per proceres,
vel examinatores dictæ Confratriæ, vel alicuius illorum cū in-
teruentu alicuius Regij officialis. Constat per suā Magestatem
concessum fuisse pro vt in dicto capitulo continetur, vt latius
habetur in dicto Regio priuilegio dato Barcinonæ decima ter-
tia Iulij millesimo quingentesimo nonagesimo nono ad quod
habetur relatio. Constat in capitulo secundo ordinationū per
dictarum factarū per tunc Consiliarios, & proceres Ciuitatis
Barcinonæ vigesima quarta Nouembris millesimo quingente-
simo octuagesimo secundo fuisse ordinatum, quod dicti par-
xerij, & passamanerij qui antea diuersæ erant Confratriæ a cæ-
tero

tero vniti, & eiusdē essent Confratriæ sub inuocatione Assūp-
tionis Sacratissimæ Mariæ Virginis in dicto capitulo decimo
quinto fuisse statutū, quod à cetero nullus operarius officij pas-
samanerij, vel parxerij, vel alius qui nō esset examinatus posset
aliquo modo publicè, vel secretè habere officinam, siue botiga,
nec posset fabricare, vel minutatim vendere franges, passamans,
parxas, listas, vel aliud genus ornatuū rauparum, siue de guar-
nicions, qui seu quæ texendo fieri solent, vel possunt sub pœna
sexaginta solidorum pro qualibet vice, qua dictæ ordinationi
contrafactum esset. Constat instante Syndico Confratriæ mer-
ceriorum Ciuitatis Barcinonæ sub inuocatione Sancti Iuliani
secunda Iulij millesimo quingentesimo nonagesimo nono pro-
uisione facta per Magnificum Regentem Regiam Cancellar-
riam fuisse appositam emparā in posse Michaelis Ioānis Amat-
tenentis Regia sigilla Cancellariæ Cathalonie quibuscunque
priuilegijs impetratis, vel impetrandis per Syndicum Confra-
triæ passamaneriorum eiusdem Ciuitatis, & consequenter per
dicto Regio priuilegio Syndico Confratriæ parxeriorū, & eo-
rundem passamaneriorum postea scilicet 13. Iulij millesimo
quingentesimo nonagesimo nono concessio. Constat ex attesta-
tionibus testium per dictū Syndicū Confratriæ merceriorum
ministratorū, & alias dictos mercerios à longis citra tempori-
bus fuisse, & esse in possessione vendendi prohibitio franges pas-
samans cuiuscunque generis, & consimiles res, Regiaque sen-
tentia lata referente Antonio Negrell tunc Regia Audientia
Doctore inter Syndicum Confratriæ passamaneriorum ex vna,
& Syndicum Confratriæ dictorum merceriorū ex altera quin-
ta Decembris millesimo quingentesimo septuagesimo quinto
fuisse pronuntiatum, & declaratum licere dictis mercerijs ha-
bere expositas venales omnes res cuiuscunq; generis essent per-
tinentes ad officium passamaneriorum dum tamen si fabricatæ
essent in Ciuitate Barcinonæ fabricarētur, & fieret par eos qui-
bus liceret citra pœnæ incursum illas fabricare, si verò essent
fabricatæ extra Ciuitatem Barcinonæ tunc venderētur pro ta-
libus quales essent, & quod per Procures dictæ Confratriæ sig-
narentur apud dictos mercerios ad votum visorum, & exami-
nato.

natorum dicti officij passamaneriorum res falsæ pro falsis, & alia secundum eorum bonitatem, taliter quod emere volentes intelligere possent qualitatem rei, quam emere intendebant ut latius in dicta Regia sententia continetur ad quam habetur relationio. Constat post unionem dictorum parxerierum, & passamaneriorum in vnâ Confratram in dicto anno millesimo quingentesimo octuagesimo secundo factam fuisse in Regio Consilio criminali factas plures prouisiones contra plures parxerios, & passamanerios Ciuitatis Barcinonæ, & signantèr contra Procures dictæ Confratriæ tanquam contrafacientes dictæ Regiæ sententiæ pignorando dictos mercerios eo quia dictas res venales habebant prætendendo id fieri contra dispositionem dicti capituli decimi quinti dictarum ordinationû anni millesimi quingentesimi octuagesimi secundi dictosque parxerios, & passamanerios fuisse Regijs carceribus Ciuitatis Barcinonæ mancipatos, & pignora prædicta vigore Regiarû prouisionû fuisse dictis mercerijs præstita cautione restituta. Constat vigesima quarta Octobris millesimo quingentesimo nonagesimo secundo fuisse in dicto Regio Consilio criminali conclusionem præcedente declaratum, & mandatum Gaspari Berenguer, Bernardo Forment, & Hieronymo Lobet passamanerijs, & parxerijs Ciuitatem Barcinonæ, & tunc captis, & detentis in dictis Regijs carceribus ratione pignorum contra dictos mercerios ex causa prædicta factorum ne de cetero similia facerent pignora donec per iudicem causarum ciuiliû ad quem spectaret esset super illis declaratum, eosdemque Berenguer, Forment, & Lobet fuisse traditos idonee manuleute ad requisitionem dierum donec aliter esset prouisum ad pœnam quinquaginta librarû pro quolibet depositis prius in posse Regiæ Curia pignoribus captis à domibus Gabriellis Xerquies, & Monferrati Domenech merceriorum eiusdem Ciuitatis. Constat dictos parxerios, & passamanerios à tempore proxime dictæ declarationis in dicto Regio Consilio criminali factæ à dictis pignoris contra dictos mercerios eandem possessionem continuantes se abstinuisse donec prædictum priuilegiû in dicto anno millesimo quingentesimo nonagesimo nono fuit

illegium per

per dictos parxerios, & passamanerios obtentum. Ex quibus &
 alias constat, quod si prædicta omnia suæ Magestati narrata, &
 specificata fuissent per dictos parxerios, & passamanerios verò
 similiter sua Magestas non concessisset dictis parxerijs, & pas-
 samanerijs, vel dicto eorum Syndico confirmationē dicti capi-
 tuli decimi quinti ordinationum anni millesimi quingentesimi
 octuagesimi secundi, & alia contra dictos mercerios in dicto
 priuilegio prætenfa concessa in præiudiciū possessionis in qua
 erant dicti mercerij à longis citra temporibus minutatim ven-
 dendi res per dictas, & dictarum Regiæ sententiæ ciuilib, & pro-
 uisionum factarum in dicto Regio Consilio criminali. Hijs &
 alijs meritis processus attentis, & alias insequendo conclusio-
 nem in Regia Audientia factam prouidet, & declarat non fuis-
 se intentionis suæ Magestatis concedere capitulum in dicto pri-
 uilegio contentum, quod incipit. *Item, que per quant ab tenor de*
les ordinacions, y prohomenes fetes en lo any mil sinch cents vuytanta dos,
y quinze capitol de aquelles està ordenat, & finit, Plau a sa Magestad se
fassa com en dit capitol se contè, & alia in dicto priuilegio conten-
 ta, quibus prohibetur alijs quam Confratribus dictæ Confra-
 triæ perxeriorum, & passamaneriorum vendere parxas, passa-
 mans, & alia de quibus supra datur supradicta forma executio-
 ni faciendæ aduersus contrafacientes pro pœnis in eodem pri-
 uilegio propterea in dictis quatenus concernit interesse dicto-
 rum merceriorum, & ex consequenti declarat habitis proxime
 dictis capitulo, & alijs quibus supra ius competens dictis mer-
 cerijs ex causis prædictis fuit dispositum pro non cōcessis per
 inde ac si non scripta essent in dicto priuilegio quo ad interesse
 dictorum merceriorum, emparam prædictam colendam fore,
 & esse vt cum præsentit tollit priuilegio prædicto quoad cætera
 in suo robore permanente. Quo verò ad pignorameta instan-
 tibus dictis passamanerijs, & perxerijs facta contra dictos mer-
 cerios post litem hanc motam quorum declaratio fuit remis-
 sa ad diffinitiuam prouisione facta per Hieronymum Senjust
 causæ Relatorem secunda Octobris millesimo sexcentesimo,
 attento constat dicta pignorameta facta fuisse post litē hanc
 motam, & post dictam declarationem in Regio Consilio cri-
 minali

minali factam vigesima quarta Octobris millesimo quingentesimo nonagesimo secundo, & contra ius prædictum competens dictis mercerijs. His, & alijs meritis processus attentis eandem insequendo conclusionem prouidet, & declarat dicta pignora nulliter facta fuisse, & quatenus defacto fuerunt facta cassanda, & reuocanda fore, & esse cum omnibus inde secutis, & cum præsentì cassat, & reuocat, & neutram partem in expensis condemnat, sed fiat executio pro bis tractis int.

Senjust.

Quæ quidem prouisio fuit intimata, & notificata dictis die, & anno dicto Augustino Font Syndico Confratriæ perxeriorum, & passamaneriorum personaliter inter tertiam, & quartam horas post meridiem per dictum Laurentium Liura Regium portarium sic referentem.

